

【金剛智】（科註第八六八頁第八行）

《佛學大辭典》：（術語）言智之堅利如金剛也。即佛智是。
仁王經上曰：「金剛智釋迦牟尼佛。」

【智印】（科註第八六八頁第八行）

《佛學大辭典》：（術語）如人有印則得入國，以般若之智為印，則得入實相之理，故曰智印。又如印契判物之真偽，以智為印，判定是非真妄等，故曰智印。又如大日拳印不動之劍印，各證明內證之智德者，故曰智印。

法華經妙音品曰：「智印三昧。」法華義疏十二曰：「如人入安穩國，有印得入，無印不得入。菩薩得此三昧，解入實相。」法華玄讚十曰：「以智為印，判定是非真妄等故。」秘藏寶鑰上曰：「五部諸佛智擊智印。」

【十六空】（科註第八六八頁倒數第四行）

《佛學大辭典》：（名數）一內空。二外空。三內外空。四空空。五大空。六勝義空。七有為空。八無為空。九畢竟空。十無際空。十一散空。十二本性空。十三自性空。十四一切法空。十五無性空。十六無性自性空。見般若經四百八十三。

《三藏法數》「二十空」：〔出般若經〕

- 一內空：謂內之眼耳鼻舌身意六根，皆無自性，故名內空。
- 二外空：謂外之色聲香味觸法六塵，皆無自相，故名外空。
- 三內外空：謂六根、六塵、六識，都無自性，故名內外空。

四空空：謂一切法皆空，此空亦空，故名空空。

五大空：謂小乘四諦十二因緣諸法，皆空無有，故名大空。

（十二因緣者，一無明、二行、三識、四名色、五六入、六觸、七受、八愛、九取、十有、十一生、十二老死也。）

六小空（亦名無性自性空）：謂須陀洹、斯陀含、阿那含、阿羅漢四果之相，皆空無有，故名小空。

七勝義空：謂第一義之理，假立名言，悉同真性，本來空寂，故名勝義空。（第一義：至高無上之真理。）

八有為空：謂欲界、色界、無色界、煩惱惑業，本無有為之相，故名有為空。

九無為空：謂生、住、滅三相皆空，無為寂靜，不墮諸數，故名無為空。（生、住、滅者，謂一切萬物皆有生長、住於世間、終歸壞滅也。）（諸數：數者法數也。有為之諸法，有種種差別之數，故名諸數。）

十畢竟空：謂有為、無為諸法，一切之相，悉皆空寂，而不可得，故名畢竟空。

十一無際空：謂一切諸法，滅無有終，起無有始，起滅之際，無從可得，故名無際空。

十二散空：謂一切諸法，因緣假合而成，皆無和合之相，故名散空。

十三無變異空：謂一切法，非常非滅，不變不異，法性如如，了不可得，故名無變異空。

十四本性空：謂一切諸法，非常非滅，本性清淨，離性離

相，故名本性空。

十五自相空：謂五蘊之法，虛幻不實，了無自相，故名自相空，。

十六共相空：謂一切諸法，彼此之相，非常非滅，本來空寂，故名共相空。

十七一切法空：謂一切諸法，本性皆空，非常非滅，了不可得，故名一切法空。

十八不可得空：謂過去、現在、未來三世一切諸法，皆無所有，了無可求之相，故名不可得空。

十九無性空：謂一切諸法，悉皆虛假，皆無實性，故名無性空。

二十自性空：謂一切諸法，非常非滅，性本自空，故名自性空。